

MISA CON NENOS

17 de decembro 2017

3º ADVENTOº-B

Evanxeo de XOÁN 1, 6-8. 19-28:

“No medio de vós hai un que non coñecedes”.

Mensaxe: Busca a ESTRELA que oriente a túa vida.

Xesús está cerca: ALÉGRATE, ANÚNCIAO.



1. ACOLLIDA

Irmáns e irmás:

O Nadal está preto, vaise notando por todas partes, nas luces de cores, a decoración das nosas casas e do noso templo parroquial. Os cristiáns vivimos este ambiente de festa acollendo ao Deus que vén a nós a compartir a nosa vida, a traernos a salvación e a esperanza. Hoxe é o domingo 3º de Advento, o domingo da alegría porque o Señor está cerca. Nós queremos ser como Xoán Bautista testemuñas alegres, testemuñas da luz e da paz.



Saúdo do Sacerdote: O Señor que coa súa vinda nos enche de ledicia, sexa convosco.

(Poderíase colocar o cartel de Fano. Tamén poderíamos poñer o compás co terceiro pergamiño de Fano. Ou colocar xunto ao altar un grupo de farois, ou velas distintas ou focos e a pancarta: “Busca a luz, sé a súa testemuña”).

2. A COROA DE ADVENTO: Vela 3

(O sacerdote pode comezar preguntando aos pícaros se colocaron na casa a coroa de Advento, se acenderon a 2ª vela, a da conversión e se rezaron xuntos na casa a carón da coroa ou do nacemento).

Monitor: Bendigamos ao Señor que nos quere unidos e alegres. Que a súa paz e a súa alegría estean con todos vós... Na terceira semana do noso camiño cara ao Nadal acenderemos tres cirios da coroa de Advento: 1º a vela da oración, 2º a vela da conversión, o 3º a vela da alegría. *(Acéndese o cirio 3º mentres se di esta oración).*

Sacerdote: *Nas tebras acendeuse unha luz, no deserto clamou unha voz. Anúnciase a boa nova: o Señor vai chegar. Preparade os seus camiños, porque xa se achega. Adornade a vosa alma como unha noiva que se engalana o día da súa voda. *Xa chega o mensaxeiro. Xoán Bautista non é a luz, senón o que nos anuncia a luz. Cando acendemos estas tres velas cada un de nós quere ser facho teu para que brilles, chama para que quentes. Ven, Señor, salvarnos, envólvenos na túa luz, quéntanos no teu amor! Ven, Señor Xesús!*

Todos: Ven, Señor Xesús!



3. PERDÓN *Recoñecemos humildemente os nosos pecados.*


-Ti que vés para dar a boa nova aos que sofren. **Señor, ten piedade de nós.**

-Ti que vés para curar os corazóns desgarrados. **Cristo, ten piedade de nós.**

-Ti que vés para proclamar o ano de graza do Señor. **Señor, ten piedade de nós.**

4. LECTURAS

As lecturas de hoxe son todas elas un canto de ledicia pola salvación que se achega. En primeiro lugar, escoitaremos o profeta *Isaías* que nos anuncia a vinda do Mesías, que traerá a boa nova aos que sofren e a amnistía aos cativos. *San Paulo* invítaranos a estar alegres e agradecidos como o mellor xeito de esperar a vinda do Señor. Finalmente, no *evanxeo*, o testemuño de *Xoán o Bautista* presentáranos a xa inminente chegada de Xesús, a Luz que vén para salvar a todos.



5. PETICIÓNS

A Xesús, luz e ledicia da humanidade dicímoslle. -Ven, Señor, coa túa ledicia.

1. Queremos que a Igrexa sexa sinxela, humilde, acolledora, como Xesús. *Oremos.*

2. Queremos acollerte na Palabra de Deus, na eucaristía de cada domingo. **Oremos.**
3. Queremos verte e servirte nos máis necesitados. **Oremos.**
4. Queremos preparar a túa vinda coa conversión, cambiando e renovando a nosa vida. **Oremos.**
5. Queremos quitar as pedras de egoísmo poñendo a Xesús e o seu amor en nós. **Oremos.**
6. Queremos limpar o noso corazón, deixarte nacer nel. **Oremos.**
7. Queremos que as nosas palabras sexan de consolo, de misericordia e tenrura cara a todos. **Oremos.**
8. Queremos parecer nos a María, a ditosa por crer, a mensaxeira de Deus. **Oremos.**
Ven Señor, ti que traes a paz e a alegría ao mundo. Ven salvarnos, ti que vives e reinas polos séculos dos séculos.

6. OFRENDAS

- CARAS DE LEDICIA** (*uns nenos cunha careta de rostro riseiro se achegan ao altar*): estámonos preparando para o Nadal, pero xa sentimos a ledicia profunda de que Xesús vai chegar axiña. Por iso comprometémonos a regalar ledicia na nosa familia e ao noso redor.
- UN ALTOFALANTE**: Como Xoán Bautista imos ser altosfalantes ou portavoces de Xesús, falando del aos nosos amigos para que sexan máis os que o esperan e acollen neste Nadal.
- PAN E VIÑO**: Neste domingo da ledicia porque ti vas nacer entre nós presentámosche o pan e o viño, eles son a nosa verdadeira ledicia porque xa te vas facer neles presente entre nós.

6. VÍDEOS OU PPW PARA ESTE DOMINGO: Advento 3º B

- Xa se achega o Señor, canción: https://www.youtube.com/watch?time_continue=35&v=3sPXsQ-wGQ8
- O Advento explicado do mellor modo posible: <https://www.youtube.com/watch?v=y6b1lIVDv1U>
- Que é o Advento, explicación: <https://www.youtube.com/watch?v=6CHXI08peiA>
- As 3 arbores, reflexión antes do Nadal: <https://www.youtube.com/watch?v=A-LwfPeg2kY>
- Ven, Señor, Xesús, Irmá Glenda: https://www.youtube.com/watch?time_continue=38&v=4T2Zr74qYWM
- Advento ParteDti, explicación: <https://www.youtube.com/watch?v=Xmzy5VX98TA>

ADVENTO 3º-B

- Achazade o camiño, vídeo-reflexión: https://www.youtube.com/watch?v=i0g_9CKag78&list=UUUpXM9aeGr1dAVvISX9VFdQ
- Lecturas 3º Adv-B: <https://www.youtube.com/watch?v=mibF2SVdQlw>
- Evanxeo 3º Adv-B: https://www.youtube.com/watch?v=xAaKx_XBrSU
- Entre vós hai un que non coñeces, reflexión: <https://www.youtube.com/watch?v=1BoSiYMRVoY>

7. SUXESTIÓNS

-Acendemos na casa a 3ª vela de Advento (a vela da ledicia) e rezamos a oración.

-Tal como indicamos arriba poderíase colocar o cartel de Fano. Tamén poderíamos poñer o compás co terceiro pergamiño de Fano. Ou colocar xunto ao altar un grupo de farois, ou velas distintas o focos e a pancarta: “Busca a luz, sé a testemuña”.

-Se fixemos o compás-estrela de Fano engadímoslle o 3ª ronsel con chinchetas e a veliña do 2º domingo. Ao compás poñémoslle unha frecha móbil e neste domingo dirixímolaa ao leste, por onde nacerá o Sol, Xesús. Esteamos alegres porque está xa moi preto, empeza a clarear ...

-Podemos debuxar os trazos dunha cara alegre e repartímosllas a cada neno como desexo de vivir sempre alegres porque vén o Señor.

